

Singulis vero Regularibus :

Promittis Prælato Ordinário tuo , etc.

PROMITTIS Pontifici (vel Prælato) Ordinário tuo pro tẽ-
pore existẽti reverẽtiam , et obediẽtiam ?

Et ille respondet : Promitto.

Tunc Pontifex tenens manus illius inter suas , oscu-
latur unumquemque , dicens :

Pax Dõmini sit semper tecum.

Et ille respondet : Amen.

His expletis , et eis ad ordinem suum reversis , Ponti-
fex sedens cum mitra , et baculo , admonet eos , dicens :

QUIA res , quam tractatũri estis , satis periculõsa est , filii
dilectissimi , moneo vos , ut diligẽter totius Missæ
ordinem , atque Hõstiaẽ consecrationem , ac fractionem ,
et communionem , ab aliis jam doctis Sacerdotibus discã-
tis , priusquam ad celebrandum Missam accedãtis.

Pontifex surgit cum mitra , et baculo , et Presbyteris
coram eo adhuc genuflexis benedicit , dicens voce com-
petenti :

BENEDICTIO Dei omnipotẽtis Pa ✠ tris , et Fi ✠ li ,
et Spĩritus ✠ sancti descendat super vos ; ut sitis
benedicti in ordine sacerdotali ; et offerãtis placãbiles
Hõstias pro peccãtis , atque offensionibus põpuli omni-
potẽti Deo , cui est honor , et glõria per õmnia sæcula
sæculõrum. *ñ.* Amen.

Post hæc Pontifex , deposita mitra , et amoto faldistorio ,
convertitur ad altare , prosequitur Missam , et cantatur
Communio ; et dicitur hæc Postcommunio pro ordinatis
sub uno Per Dõminum , cum Postcommunione Missæ diei.

POSTCOMMUNIO.

Quos tuis , Dõmine , reficis Sacramẽtis , continuis
attõlle benignus auxiliis ; ut tuæ redemptionis effe-
ctum et mystẽriis capiãmus , et mõribus. Per Dõminum

nostrum Jesum Christum Filium tuum , qui tecum vivit ,
et regnat in unitate Spĩritus sancti Deus , per õmnia
sæcula sæculõrum. *ñ.* Amen.

Deinde dicitur , Benedicãmus Dõmino , vel , Ite Missa
est , prout tempus requirit , et per Pontificem , Plãceat
tibi sancta , etc.

Quo dicto Pontifex , accepta mitra , et baculo Pastro-
rali , dat benedictionem solitam , dicens : Sit nomen
Dõmini benedictum , etc.

Tum sedet , et alloquitur ordinatos sub his verbis :

FILII dilectissimi , diligẽter considerãte Ordinem per
vos susceptum , ac onus hũmeris vestris impõsi-
tum ; studẽte sancte et religiõse vivere , atque omni-
potẽti Deo placere , ut grãtiam suam possitis acqui-
rere ; quam ipse vobis per suam misericordiam concẽ-
dere dignetur.

Singuli ad primam Tonsuram , vel ad quãtuor minores
Ordines promoti , dicite semel septem Psalmos pœni-
tentiãles , cum Litanis , Versiculis , et Oratiõibus. Ad
Subdiaconatum , vel Diaconatum , Nocturnum talis diẽi.
Ad Presbyteratum vero ordinati post primam vestram
Missam , tres alias Missas , videlicet , unam de Spĩritu
sancto , aliam de beãta Maria semper virgine , tertiam
pro fidelibus defunctis dicite , et omnipotẽtem Deum
etiam pro me orãte.

Quod illi devote suscipiunt , et respondent se facturos.

Tum Pontifex convertit se ad altare , et dicit submis-
sa voce : Dõminus vobiscum.

Inĩtium sancti Evangelii secũdum Joãnnem. In prin-
cipio , etc.

Signat altare , et se ; et revertitur ad sedem , vel ad
faldistorium , ubi exiit sacris vestibus. Ordinati etiam
ad Presbyteratum dicunt idem Evangelium , et in loco
convenienti sacras vestes deponunt , et cum eis alii
ordinati.

DE CONSECRATIONE ELECTI IN EPISCOPUM.

NEMO consecrari debet, nisi prius constet Consecratori de commissione consecrandi, sive per litteras Apostolicas, si sit extra curiam, sive per commissionem vivæ vocis oraculo, a Summo Pontifice Consecratori factam, si Consecrator ipse sit Cardinalis.

Statuta die consecrationis, quæ debet esse Dominica, vel Natalitium Apostolorum, vel etiam festiva, si Summus Pontifex hoc specialiter indulserit: et tam Consecrator, quam Electus conveniens est, ut præcedenti die jejument.

Consecratio, si extra curiam Romanam fiat, in Ecclesia, ad quam promoti fuerint, aut in provincia, si commode fieri poterit, celebretur.

In Ecclesia, ubi fiet consecratio, ornantur duæ cappellæ, major pro Consecrante, et minor pro Electo. Et in majori quidem, super altari parato, ut est moris, erit crux in medio, et ad minus quatuor candelabra. In terra ad gradus altaris erunt tapetia strata, super quibus procumbit Electus, sed Consecrator, et alii genuflectent.

Paratur etiam in loco propinquo et congruo credentia pro Consecratore, super quam erit mappa munda, duo candelabra; vasa ad abluendum manus, cum suis mantilibus; vas cum aqua benedicta, et aspersorio; thuribulum cum navicella, cochleari, et incenso, si Officium fit in cantu, alias non; ampullæ cum vino, et aqua pro sacrificio; Calix, hostiaria cum hostiis; medulla panis pro abstergendis manibus; sanetum Chrisma.

Item paramenta omnia Pontificalia, coloris temporis et officio Missæ convenientis, videlicet, sandalia.

amictus, alba, cingulum, crux pectoralis, stola, tunicella dalmatica, chirothecæ, planeta, mitra auriphrigiata, annulus Pontificalis, baculus Pastoralis, manipulus, et gremiale.

Item paratur faldistorium ornatum pro Consecratore; et tres sedes pro Electo, et duobus Episcopis assistentibus; Missale, et Pontificale. Consecrator habeat tres Capellanos ad minus, cum superpelliceis, et duos scutiferos ad credentiam.

In capella vero minore pro Electo, quæ a majore debet esse distincta, paratur altare cum cruce, et duobus candelabris, et super illud Missale, et Pontificale; ac paramenta omnia Pontificalia albi coloris, ut supra pro Consecratore numerata sunt; et ultra illa, pluviale album, et prope altare credentia minor cum mappa munda, et vasis ad abluendum manus, et medulla panis ad extergendum manus, et caput.

Ponuntur etiam octo mappulæ ex duabus cannis panni linei subtilis, per medium scissis in longitudinem, quarum duæ sint longitudinis sex palmorum quælibet, aliæ vero sex æqualis sint quantitatis. Et candelæ saltem octo, unius libræ quælibet, quarum quatuor super altare Consecrantis; duæ super ejus credentiam, et duæ super altare Electi ponuntur.

Annulus cum gemma benedicendus, et Electo tradendus, pecten eburneus. Et pro Offertorio intortitia duo, quatuor librarum quodlibet, duo panes magni, et duo barilia vini; panes et barilia orientur, duo, videlicet, videantur argentea, et duo aurea, hinc et inde insignia Consecratoris, et Electi habentia, cum capello, vel cruce, vel mitra pro ejusque gradu et dignitate.

Adsint duo ad minus Episcopi assistentes, qui induuntur rochetto, et si sint Regulares, superpelliceo; amictu, stola, pluviali, (quæ cum reliquis paramentis sint coloris temporis et officio Missæ congruentis,) et mitra simplici alba, et quisque habeat suum Pontificale.

Hora igitur competenti Consecrator, Electus, assistentes Episcopi, et alii, qui consecrationi interesse debent, ad Ecclesiam conveniunt, et Consecrator, facta oratione ante altare, ascendit ad sedem, si sit in Ecclesia sua, vel accedit ad faldistorium in capella sua, juxta cornu Epistolæ præparatum, et ibi de more paratur. Electus vero cum assistentibus Episcopis vadit ad capellam suam, et ibi capit paramenta opportuna, videlicet, si Missa cantatur, amictum, albam, cingulum, stolam in modum Sacerdotis, et pluviale. Si vero Officium legitur, poterit, antequam dicta paramenta accipiat, capere sandalia et legere Psalm. Quam dilècta, etc. Assistentes etiam Episcopi interim paramenta prædicta capiunt. Omnibus itaque paratis, Consecrator accedit ante altare, et ibi in medio sedet super faldistorium, vertens renes altari. Electus vero cum suo bireto ducitur sic paratus, medius inter assistentes sibi Episcopos paratos, et mitratos, et cum ante Consecratorem pervenerit, nudato capite, illud profunde inclinando, ei reverentiam facit, assistentes vero Episcopi eidem cum mitra caput aliquantulum inclinant.


Tum sedent in sedibus suis, ante Consecratorem, hoc modo. Electus contra faciem Consecratoris, ita ut inter eos sit competens distantia. Antiquior Episcopus assistens ad dexteram Electi, junior ad sinistram; ita tamen, quod ipsi Assistentes ad alterutrum facies vertant. Cum sic locati fuerint, et aliquantulum quieverint, surgunt, Electus sine bireto, et assistentes Episcopi sine mitris, et senior Assistentium versus ad Consecratorem, dicit:

REVERENDISSIME pater, póstulat sancta mater Ecclèsia Cathólica, ut hunc præsentem Presbyterum ad onus Episcopátus sublevétis.

Consecrator dicit:
Habétis mandátum Apostólicum?


Respondet Episcopus senior Assistentium:
Habémus.

Consecrator dicit: Legátur.



Tum notarius Consecratoris accipiens mandatum de manu Episcopi assistentis, legit a principio ad finem. Interim sedent omnes, tectis capitibus. Mandato per notarium perlecto, Consecrator dicit: Deo grátias.

Vel, si consecratio fit vigore litterarum Apostolicarum, per quas etiam juramenti per Electum præstandi receptio Consecratori committitur, litteris ipsis lectis, antequam Consecrator aliud dicat, Electus de sede sua veniens coram Consecratore genuflectit; et legit juramentum de verbo ad verbum, juxta tenorem commissionis prædictæ præstandum, in hunc modum, videlicet:



FORMA JURAMENTI.

Ego **N.** Eléctus Ecclésiæ **N.** ab hac hora in ántea fidélis, et obédiens ero beáto **Petro** Apóstolo, sanctæque Románæ Ecclésiæ, et **Dómino** nostro, **Dómino N.** Papæ **N.** suisque **Successóribus** canónice intrántibus. Non ero in consilio, aut **consénsu**, vel facto, ut vitam perdant, aut membrum, seu **capiántur** mala captióne; aut in eos violénter manus **quomodólibet** ingerántur; vel injúriæ áliquæ inferántur, quovis quæsito colóre. Consílium vero, quod mihi **creditúri** sunt, per se, aut Núntios suos, seu líttas, **ad** eórum damnum, me sciénte, némini pandam. **Papátum** Románum, et Regália sancti Petri, **adjútor eis** ero ad retinéndum, et defendéndum, salvo meo **órdine**, contra omnem hóminem. Legátum Apostólicæ **Sedis** in eúndo et redeúndo

honorífice tractábo, et in suis necessitátibus adjuvábo. Jura, honóres, privilégia, et auctoritátem sanctæ Románæ Ecclésiæ, **Dómini** nostri Papæ, et **Successórum** prædictórum, conserváre, deféndere, augére, et promovére curábo. Neque ero in consilio, vel facto, seu tractátu, in quibus contra ipsum **Dóminum** nostrum, vel eámdem Románam Ecclésiám, áliqua sinistra, vel præjudiciália personárum, juris, honóris, status, et potestátis eórum machinéntur. Et si tália a quibuscúmque tractári, vel procurári nóvero, impédiam hoc pro posse; et quanto citius pótero, significábo eidem **Dómino** nostro vel álteri, per quem possit ad ipsius notítiam pervenire. Régulas sanctórum Patrum, decreta, ordinatiónes seu dispositiónes, reservatiónes, provisiónes, et mandáta Apostólica, totis víribus observábo, et fáciam ab áliis observári. Hæreticos, schismáticos, et rebélles eidem **Dómino** nostro, vel **Successóribus** prædictis, pro posse pérsequar, et impugnábo. Vocátus ad synodum, véniam, nisi præpeditus fúero **Canónica** præpeditiõe. Apostolórum límina síngulis triénniis personáliter per me ipsum visitábo; et **Dómino** nostro, ac **Successóribus** præfátis, ratióne reddam de toto meo pastoráli officio; ac de rebus ómnibus ad meæ Ecclésiæ statum, ad cleri et pópuli disciplínam, animárum déniq; quæ meæ fidei trádite sunt, salútem, quovis modo pertinéntibus: et vicissim mandáta Apostólica humíliter recipiam, et quam diligentíssime exequar. Quod si legitimo impediméto deténtus fúero, præfáta ómnia adimplébo per certum Núntium ad hoc speciále mandátum habéntem, de grémio mei Capituli, aut álium in dignitáte ecclesiástica constitútum, seu álias personátum habéntem; aut, his mihi deficientibus, per diócesánum Sacerdótem; et clero deficienté omnino, per áliquem álium Presbyterum sæculárem, vel regulárem, spectátæ probitátis, et religiónis, de supradictis ómnibus plene instrúctum. De hujúsmodi autem

impediménto docébo per legítimas probatiónes ad sanctæ Románæ Ecclesiæ Cardinálem proponéntem in Congregatióne sacri Concilii , per supradictum Núntium transmittédas.

Possessiónes vero ad mensam meam pertinéntes non vendam , nec donábo , neque impignorábo , nec de novo infeudábo , vel áliquo modo alienábo , étiam cum consénsu Capituli Ecclesiæ meæ , inconsúlto Románo Pontífice. Et si ad áliquam alienatiónem devénero , pœnas in quadam super hoc édita constitutióne conténtas , eo ipso incúrrere volo.

Consecrator in gremio suo librum Evangeliorum ambabus manibus apertum tenens , inferiore parte libri Electo versa , ab eo præstationem hujusmodi juramenti recipit , Electo adhuc coram eo genuflexo dicente : Sic me Deus ádjuvet , et hæc sancta Dei Evangélia.

Et ipsum textum Evangeliorum ambabus manibus tangente , tum , non prius , dicit Consecrator : Deo grátias.

Ad hoc tempus singulorum trienniorum tenentur omnes Patriarchæ , Primate , Archiepiscopi , atque Episcopi Itali , videlicet , vel ex Italicis insulis , unde in Italiam commodius trajici potest ; veluti Siculi , Sardi , Corsi , et alii adjacentium provinciarum Italiæ , atque etiam Dalmatiæ et Græcarum , quæ e regione ipsius Italiæ , et Siciliæ oris sunt.

Ad tempus singulorum quadrienniorum , Germani , Galli , Hispani , Belgæ , Bohemi , Hungari , Poloni , Angeli , Scoti , Iberni , et ceteri omnes , qui in Europa sunt citra mare Germanicum , et Balticum , atque omnium Insularum maris Mediterranei.

Ad tempus singulorum quinquenniorum , qui intra Europæ fines sunt his provinciis remotiores , atque etiam Africani littoribus nostris adversi , atque insularum maris Oceani , Septentrionalis , et Occidentalis Europæ , atque Africa , citra continentem novi orbis ,

tam qui nunc sunt , quam qui ad Catholicam fidem per misericordiam Dei aliquando redierint.

Ad tempus singulorum decenniorum Asiatici , et qui extra Asiam , et in aliis novis terris Orientalibus , Meridionalibus , Occidentalibus , et Septentrionalibus , tam in Insulis , quam in Continentibus , et denique in quibuslibet mundi partibus existentes.

Deinde Electo , et Assistentibus in locis suis (ut dictum est) sedentibus , Consecrator intelligibili voce legit sequentem examinationem , quæ legi debet semper , sicut jacet , in singulari , etiam si plures simul examinentur. Assistentes vero Episcopi submissa voce dicunt quæcumque dixerit Consecrator , et omnes debent tunc mitras tenere , et sedere.

EXAMEN.

ANTIQUA sanctórum Patrum institútio docet , et præcipit , ut is qui ad Episcopátus órđinem eligitur , ántea diligentissime examinétur cum omni charitáte , de fide sanctæ Trinitátis : et interrogétur de diversis causis , et móribus , quæ huic regimini cóngruunt , ac necessaria sunt retinéri secúndum Apóstoli dictum : Manus némini cito imposúeris. Et ut étiam is , qui ordinándus est , erudiátur , quáliter sub hoc regímine constitútum opórteat conversári in Ecclesia Dei ; et ut irreprehensibiles sint , qui ei manus ordinatiónis impónunt. Eádem itaque auctoritáte et præcépto , interrogámus te , dilectissime frater , charitáte sincera , si omnem prudéntiam tuam , quantum tua capax est natúra , divínæ Scripturæ sénsibus accommodáre volúeris.

Tum Electus aliquantulum assurgens , detecto capite respondet :

Ita ex toto corde volo in ómnibus consentire , et obedire.